


CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 7 1940

T 3200/0823.83

13



廣德州志卷二十

哈爾濱大學漢和
圖書館珍藏印

田賦志

蠲卹 物產

蠲卹

散利薄征周政首列賜租除稅漢史頻書所謂自上
下下其道大光者也我

國家深仁厚澤

聖天子念切民依遇有水旱立予賑貸乃至大有之年休
養隆備而免租庸蠲逋負動以億萬計鞠謀至意實
古今所未有楊李諸志均未之及洵爲闕典茲謹遵

通志編載前代間亦有之并為採錄其但稱江東江
南南畿而不鑿指郡境者則槩從畧焉

宋孝宗乾道六年寧國府廣德軍太平溫湖秀池徽和州
皆饑令漕江西廣東粟以賑〔文獻通考〕

九年江東之太平廣德淮西之無為和州民多艱食並
行停征賑卹〔續文獻通考〕下同

淳熙二年鎮江寧國府常州廣德軍艱食皆賑之粟

七年廣德軍大饑令出常平米賑之至於越歲之春池
兩歲帛賦〔文獻通考〕下同

八年行都寧國建康府嚴婺太平州廣德軍饑徽饒大
饑流淮郡者萬餘人遣使分行賑贍安集之行勸分賞
格十一月己亥浙東常平使者朱熹進對論荒政請蠲
田賦身丁錢詔江浙淮湖北三十八郡並免之

寧宗嘉定八年八月二十九日江東轉運使真德秀奏建
康寧國太平徽池南康廣德七郡旱蝗乞將嘉定七年
第四第五等人戶見欠苗米權與倚閣奉旨依〔真西山文集〕

理宗開慶元年二月己丑詔蠲建康太平寧國池州廣德
等沙田租〔宋史本紀〕下同

恭宗德祐元年六月己酉免廣德軍今年田租

元世祖至元二十八年三月杭州平江等五路饑發粟賑之仍弛湖泊蒲魚之禁溧陽太平徽州廣德鎮江五路亦饑賑之如杭州凡州郡田嘗被災者悉免其租不被災者免十之五

元史本紀下同

成宗大德二年正月己酉建康龍興臨江寧國太平廣德饒池等處水發臨江路糧三萬石以賑仍弛澤梁之禁聽民漁採

六年六月湖州嘉興杭州廣德饒州太平婺州慶元紹

興寧國等路饑賑糧二十五萬一千餘石

武宗至大元年春正月己巳紹興台州慶元廣德建康鎮江六路饑死者甚衆饑戶四十六萬有奇戶月給米六斗以沒入朱清張瑄物貨隸徽政院者鬻鈔三十萬錠賑之十一月詔免紹興慶元台州建康廣德田租

英宗至治元年夏四月丁巳廣德路旱發米九千石減直賑糶

泰定帝泰定元年正月廣德信州岳州惠州南恩州民饑發粟賑之

文宗天曆二年賑池州廣德寧國太平建康鎮江常州湖州慶元諸路及江陰州饑民六十餘萬戶當賑糧十四萬三千餘石

文宗至順元年二月帖麥赤驛戶及建康廣德鎮江諸路饑賑糧一月

順帝至正十二年十二月辛亥以杭常湖信廣德諸路皆克復詔蠲夏稅秋糧命有司撫恤其民

明太祖元年即元至正二十七年春正月戊戌賜應天鎮江寧國廣德田租各一年明史本紀至正二十七年正月諭中書省曰東南久罹兵革民生凋敝吾甚憫

之且太平應天諸郡吾渡江開創地供億煩勞久矣今比戶空虛有司急催科重困吾民將何以堪其賜太平田租二年應天鎮江宣城廣德各一年
案是年太祖稱吳元年

洪武元年閏七月免吳江廣德太平寧國滁和被災田租

明史本紀下同

二年詔免應天太平鎮江宣城廣德今年田租詔曰應天太平

鎮江宣城廣德供億浩穰去歲蠲租遇旱惠不及下其再免諸郡及無為州今年田租
南畿志載詔曰朕本布衣率眾渡江首定太平次居建業肇興丕基其鎮江太平宣城廣德為京師之翼郡至如興師旅定羣雄六合一家軍需錢糧供億浩繁止此數郡以足我用子孫百世何忍忘江左之民朕心拳拳舊歲曾免稅糧忽遇天旱免無可收縱使不免亦無可徵雖惠不及於心有慊其洪武二年夏秋二稅宣州已行詔免應天太平鎮

江再免一年及廣德滁和無為今歲稅糧亦與蠲免以甦吾民稱朕意焉故茲昭示想宜悉知

三年三月詔免山東河南北平三省及應天太平鎮江

寧國廣德滁和等郡今年秋糧

明通紀

四年詔免應天太平鎮江宣州廣德滁和七處今年夏

稅萬曆志載詔曰朕聞自古帝王必資民力以助成武

民同樂於天地間即位以來於今三年各處郡邑雖嘗

免其稅糧尙慮凋敝之餘未能蘇息其應天太平鎮江

宣州廣德滁和州當創業之初錢糧供億實為浩繁

賴此數郡以足國用遂致平定四方念其勤苦無時忘

之深宜優恤應天太平已免其稅糧二年鎮江宣州廣

德滁和已免二年此七處今年夏稅再行蠲免朕以布

衣起事民間艱苦無不周知今所優免姑以凋敝之處

為先所在有司其尙謹於奉承以體恤民之意

案此

詔節錄

五年十月免應天太平鎮江寧國廣德田租明史本紀

畿志載詔曰朕乘羣雄鼎沸之時率眾渡江兵屯建業

十有八年其間高城壘深濠塹軍需造作凡百供給皆

爾近京五府之民率先効力濟我時艱民力繁甚朕心

不忘天下統一統今五年矣雖嘗蠲免四歲稅糧然猶未

足以服前勞用是申勅有司其應天太平鎮江寧國廣

德五府洪武五年合納秋糧除頑慢刁狡不行蓋倉完

備及多科害民糧長本戶秋糧不蠲免

十一年八月免應天太平鎮江寧國廣德諸府州秋糧

南畿志載詔曰賞功罰罪在昔帝王必斯二事之先曩

因率兵東渡江來姑執金陵京口宣城廣德徽州長興

安吉宜興江陰相次不逾三年盡入版圖當時天下英

盛豈能平禍亂一寰宇而為人主者耶今禍亂已平朕居大位十有一年嘗思六州四縣之民久勞於前雖我子孫累世不忘特以今年秋糧盡行蠲免於戲與王定亂肇福天下惟思民之勞先故茲詔諭想宜知悉

國朝

順治二年江南初定奉

旨蠲免本年稅糧十分之七兵餉十分之四其明末無藝之征盡永除之通志

案此後三年八九十等江南俱有蠲免詳見會典通志茲不具列十二年以後倣此

三年覆准江南疊罹寇患漕米折價於

恩詔外再免三分之一

會典見寧國府志下同

八年旱改折秋糧三分之一

通志

九年蠲免正賦改折漕糧並除耗米

安省操撫李日茂請於鄰省市米平

糶每石減價之半

通志

十年覆准江南浙江各屬旱災八九十分者免十之三五六七分者免十之二四分者免十之一有漕糧州縣

衛所准令改折

會典

十二年廣德等處旱災免錢糧十分之一

通志下同

十三年奉

詔蠲地畝人丁本折錢糧拖欠在民者通志

十六年江南大水奉

旨蠲免十五年以前未完錢糧通志

康熙四年奉

恩赦直隸各省順治十六七八年舊欠錢糧著照蠲免十

五年以前一體除免通志

八年奉

恩詔康熙元年二年三年丁地正項錢糧實係拖欠在民

不能完納者該督撫奏請蠲免通志

十年江南大旱蠲被災田地起運十分之一二三不等

漕糧改折外耗贈米俱奉蠲免又奉

恩詔內開康熙四五年各省丁地正項錢糧實係拖欠

在民不能完納者該督撫奏請蠲免

十一年欽奉

恩旨念江南水旱頻仍停徵九年分攤米折銀並停徵九

年以前未完錢糧安徽各屬發粟按籍分賑

十七年蠲停地丁漕項銀兩有差

十八年三月至八月不雨奉

旨自十一年起至十二年止舊欠錢糧俱着蠲免其十三十四十五十六年錢糧俱自十九年起分年帶徵又奉旨九分十分荒者免本年稅糧十分之四七八分荒者免十分之三五六分荒者免十分之二
二十年十二月奉

恩詔兵革寢息人民乂安免康熙十三四五六七年地丁民欠錢糧

二十三年九月奉

恩詔江南浙江江西湖廣省分自用兵以來供億繁苦宜加恩恤康熙二十四年所運漕糧着免三分之一又自康熙十三年起至二十二年止拖欠漕項錢糧着自二十三年起每年帶徵一年以免小民一時並徵之累
二十七年奉
旨將十七年以前未完糧項銀米麥俱着蠲免十月又奉恩旨安徽所屬各郡縣二十八年應徵地丁各項錢糧俱着蠲免

二十八年正月奉

旨江南除正項錢糧節次蠲免外再將積年民欠一應地
丁錢糧屯糧蘆課米麥豆雜稅槩與豁免

案安屬正項錢糧通免廣德州縣在其中矣後做此
三十年十二月奉

旨湖廣江西浙江江蘇安徽山東應輸漕米着自康熙三
十一年始以次各蠲免一年漕糧安徽所屬應於三十
五年蠲免

三十二年九月十六日奉

恩旨江蘇安徽等處夏旱免本年漕糧三分之一俟至應

蠲年分補還

三十五年奉

恩詔內開江南等省康熙三十三年以前歷年積欠及帶
徵未完銀米俱着豁免又漕項歷年積欠及帶徵未完
銀米亦着豁免

三十八年三月十三日奉

恩旨安徽所屬舊欠帶徵錢糧除三十三年已經赦免外
其三十四三十五三十六等年一應地丁米豆麥雜稅
俱着蠲免

四十一年奉

旨安徽所屬府州縣衛等處康熙四十二年分地丁錢糧除漕項外通行蠲免

四十三年四月蠲免江安二屬黃快缺丁銀六千四百四十餘兩

四十五年十月二十五日奉

上諭內開安徽自康熙四十三年以前未完地丁銀米着按數盡行蠲免其舊欠已完在官而現年錢糧未完足者亦准抵扣

四十六年十一月奉

旨康熙四十七年江南通省人丁額徵銀兩悉行蠲免其本年被災應徵地畝銀一槩免徵所有舊欠帶徵銀米並暫停追取又分截本年漕米散賑

四十七年十月奉

恩旨康熙四十八年除漕項外江南通省地丁銀四百七十五萬四百兩有奇槩行蠲免所有舊欠銀米暫停追取

案建平縣志載是年欽奉

特恩除漕項米豆外其應徵丁地錢糧槩行蠲免又載是
年秋被水災復免田畝銀二千一百八十五兩有奇
仍煮賑四月蓋一據奉

詔之年一據被蠲之年

五十一年十月奉

旨三十年至四十三年未完地丁等銀免徵十月奉

旨除漕項外五十二年應徵地畝人丁銀俱着察明全免

其歷年舊欠亦併免徵又

恩詔內開將各省應徵房地租稅銀兩着察明額數於康

熙五十三年豁免一年其歷年逋欠一并察明免其追
補

〔案〕建平縣志載五十二年欽奉

特恩除漕項米豆外其應徵丁地錢糧槩行蠲免又免康

熙四十九年民欠丁地并損脚共銀二千三百五十

兩四錢有奇此卽上年十一月事也

五十三年秋被旱災蠲免建平田畝銀四千五百三十

兩九錢有奇仍煮賑三月

縣志

〔案〕是年寧國府志亦載秋旱免災田稅糧發倉穀賑

饑仍截漕備賑竊意廣德地居高燥尤不耐旱當必被蠲卹惜前志不及年遠無考此後凡縣有而州無者俱載通志於前以補之通志無則仍闕

五十五年十一月以安屬旱災蠲免地丁銀米豆其災

黎照例動支常平倉糧散賑仍將安慶府存剩漕糧并

省倉見在捐還漕米湊賑通志建平蠲免田畝銀四千

五百二十兩有奇仍煮賑三月縣志

五十六年十一月奉

旨豁免安徽江蘇等處帶徵地丁屯衛銀兩其帶徵漕項

銀米麥豆免徵各半通志是年建平蠲免四十六四十七

五十五十一五十三五十四共六年未完民欠地丁

脚等銀共一萬八千七百四兩八錢有奇槩行蠲免縣志

雍正四年建平秋被水災蠲免田畝銀一千五百二十兩

二錢有奇仍煮賑五月縣志

五年秋建平被水災蠲免田畝銀六百五十七兩一錢

有奇仍煮賑三月縣志

七年八月奉

旨安徽等屬着免雍正八年地丁銀四十萬兩通志八年

建平縣奉

特恩蠲免丁地銀六千一百九十兩九錢有奇又夏被水
 災復免田畝銀六百一十二兩四錢有奇其南米豆石
 仍照例核蠲外又免例不蠲免漕米一百九十二石三
 斗三升零又發帑銀五百九十兩八錢零賑恤災民仍
 奏賑三月縣志
 九年三月以建平縣上年被災蠲免地丁銀六百一十
 二兩四錢有奇米豆三十六石九斗有奇通志
 乾隆十年欽奉

恩詔將各省額徵正賦通行蠲免照康熙五十一年之例

分三年以次蠲免安省輪於十二年蠲免寧國府志

十五年奉

上諭朕巡幸所至地方應酌量加恩着將安省未完耗羨

蠲免十分之六南巡盛典

十六年奉

上諭朕巡幸所至特沛恩膏將安省自乾隆元年起至十

三年止積欠地丁銀三十萬五千餘兩盡行蠲免南巡盛典

是秋被旱奉

旨將應徵丁地折色米豆按照災田分數蠲免其極次饑民廣德州屬共用銀七萬五千六百餘兩賑之是秋以下見本

州文卷時進士濮陽樓等為呈懇代申謝恩表中有云特允大臣之請發九府之朱提俾遣協理之員拯一方之赤子猶念民之待澤雖日有涯而上之施仁無寧過厚增一分則受一分之惠况加每月之三分多一口則畀一口之金用恤無年之萬口此誠格外之曠典允為不世之隆恩

二十一年蠲免被災田畝銀兩見州民戶私札

二十七年奉

恩旨普免各省漕糧照康熙三十年之例安省輪於三十

五年蠲免膳黃

四十年州縣被旱奉

旨將應徵丁地折色米豆按照災田分數蠲免其極次饑

民用銀七千兩賑之文卷

四十三年蠲免被災地畝銀兩見州民戶私札先是奉

旨普免各省地丁銀兩安省於是年輪免

五十年奉

恩旨安省被災較廣業經疊次加恩緩徵賞給口糧併前

後截漕十五萬石以備賑恤但雨澤既稀秋收不免歉

薄民食倍形拮据着照書麟所請將安省五十一年輪

免漕糧准改本年蠲免州縣仍用銀二萬四千七百兩
賑極次饑民又貸給種糧銀二千六百八十二兩七錢

有奇文卷

五十五年奉

恩旨普免天下額徵正賦安省輪於五十七年蠲免黃

物產

桐郡所產無金石禽魚卉木之屬可以供玩好充珍
味者楊門二志謂無足取畧而不書然孟子論王道
始終農桑而外不越材木魚鼈雞豚狗彘數者是則
郡境所有皆書所謂用物也安見其不足書耶萬歷
志分品詳載李志仍之躋矣今就其名類小異者為
之箋注俾閱者知所別擇至昔有而今無或昔無而
今有似又有人事焉因並著於各品之下云

穀之品 原十六新增
入移入一

秈稻 其種有細穀秈水裏秈百日秈落晚秈六十日秈

穀秈販之浙省較他米價昂十之二又有尖頭秈土人

謂之賊鄙嫌蓋穗為葉掩偷兒不屑也杭人統曰廣尖

建邑則以 梗稻 有二種並香烈粘者以作資 糯稻

梅渚為上 其種有白殼糯烏節糯黃皮糯赤殼糯馬鬃糯羊鬚糯

樵子糯芝蔴糯香黃糯香杭糯逼露乾有黑斑者曰黑

糯赤殼最佳產十里圩者稱第一又有狀元紅米色純

赤土人遇吉慶事用少許作殮又有一種名無天理謂其

可以飯可 山稻 一名早稻種之陸地穀長而銳土人

以酒也 者種少許以為供 神之 新增

案萬歷志李志但列名目並未詳註今逐加考詢註

明其下後同

大麥 小麥 圓麥 紫色者名紫稜麥最佳 蕎麥

稷 土名蘆稷致富奇書有 粟 有狗尾貓 珍珠粟 莖

類稷結實葉本一莖可三四枚有苞先吐叢鬚如棕長

四五寸苞裂實出長亦四五寸嫩白色老漸黃顆粒如

蠟珠勻排其上摩之似小蜂窠閩浙豫章人謂之稭

穀屑之作飯作餌土人蒸食之不多種也 新增 烏豆 一名

赤豆 粗細兩種又 菘豆 綠黃二色黃者 兩熟

豆謂既枯復生也 豌豆 有兩種曰麻豌豆曰鉄屎豌豆又

其汁可染棕色 蠶豆 一種粗者色白大如郁李土

人以充菜茹細者磨之為 蠶豆 刀豆 羊眼豆 有

索粉蒸粉或用作腐亦佳 蠶豆 雞眼豆 麂眼豆

種或稱眉毛豆 白菹豆 以下並 新增

形曲如眉也 黑料豆 土名黑 青豇豆 非長莢豇豆也

並以上二種 黃豆 黃豆 莖葉莢俱不異

物產

名大畧以松葦為良松葦寒葦也
其他若臙脂等葦俱有毒不宜食

果之品 原二十六刪復
三 新增十八

栗 通志云州縣通產可以代糧
案州境出東平殿左右者佳

李 有黃脆青脆等名
出三里店者佳

桃 杏 梅 梨
七月熟者有
黑點如枇杷
村等處者佳
通志云

州邑皆佳然終不爽
如北土者之味爽
銀杏 林禽 榧 榧
見今刪去
榧出

溪庄頭 柿 有銅盤牛奶牛心丁香等
者佳 柿 名舊復出丁香今刪去
棗 出千口者
佳核細而

雀口蘇人甚珍
之以此為驗
石榴 橙 櫻桃 枇杷
舊復出櫻
珠今刪去

葡萄 蔣 蓮蓬 芡 木瓜 西瓜
出曹

佳 甜瓜 楊梅 味酢而劣不及洞庭
多矣 以下新增
山核桃 小而無肉

棹柿 烏柿也俗
名綠柿
芡 羊桃 蓼郁子 似葡萄而小
六月熟即奠

也 馬光子 即山葡萄但藤蔓齟齬如沙魚
皮而褐色扳之棘手八月熟

也 籩田梨 一名清消
梨四月熟
晚稻梨 九月熟
落花生 雞距子

也 即根 榛 覆盆子 莓子
蓬蘽子 土人名
蛇莓子

也 有毒不 宜食 錦荔枝 一名癩
葡萄
狗老虎 形似肥皂藤生
皮黑肉紫極甜

竹之品 原十六刪誤
三 新增六

水竹 筍竹 二種
木竹 筍竹 按篇海筍竹傷人則
死郡境不聞有也僧

贊寧筍譜筍竹吳越多生則又似有之考王蓋臣羣芳
譜及李瀕湖本草筍並作桂王說同篇海李則云今人

用以刺船似又非傷人者竹
類甚多無從辨其是非也
篁竹 舊作
紫竹 箭

竹 胖竹 筍竹 筍即箸也嶺表錄異南海岸邊沙中

筍而生若細荻高尺餘春吐苗箕心茗骨青而且勁南海人愛其色以為酒籌凡欲採者須輕步向前拔之聞

行聲則縮入沙中不可得李瀕湖亦謂出嚴州 象牙

今蘇州半塘街所售竹箸真似細荻非郡所產

竹 慈姥竹 籊竹 即茅竹一作毛李志因萬歷志籊

字模糊誤改作猪而又別出茅竹

不考 甚矣 篁竹 李志作 季竹 以下俱 花頭竹 淡竹

早竹 早故名 筍 嶺者佳 桿子竹 筍長尺餘潤二

取曝乾足供一切蓬笠包直之用新者以裹粽有香氣

析桿編之可以固穀鋪屋椽上則灰帖不動兼可承塵

物也 案萬歷志無篔竹簞竹李志增入二種考篔即葭蘆

之葭又音笳一作菰即胡笳並非竹類簞篔也竹之

木之品 原二十七刪一移出

松 栢 桑 楛 柳 楊 槐 李志槐上有棵字案

斷木也類篇苦果切音顆俎 櫟 柞櫟即栲也櫟也其

名未有作木名者今削去 櫟 子為皂斗土人謂之

橡釘子李志既別出橡櫟而又有植櫟不特標字誤

又不知植同援柅柳也標未有以植名者今並削去

榆 粘內則粉榆以滑之是也今香舖線香以此為糊調

末香 櫛 櫛實藥實並為救荒良物屑粉以水澄之換過數十次

白如藕粉既無澁味且不褐色以
充藕粉幾乎莫辨。藥音義見下
柘 楓 建邑有楓

歉 椿 桐 案郡為古桐汭地原其得名之由殆與榕
浮水面及陽灘桐時魚雖不見於他書傳聞必有自
特非楚子重所名耳考桐之種類有白桐黃桐頽桐紫

桐青桐榮桐梧桐油桐之別據李瀕湖本草集解諸家
之說而以花葉皮實驗之似郡境所產止青桐梧桐油

桐三者瀕湖又言青桐即梧桐之無實者其於梧桐油
桐又另標出與諸桐混稱桐也郡人除油桐外亦止

知梧桐青桐他未之悉則桐汭之桐大抵不出是三者
特三者之中未能確指為何桐耳今油桐仍別見於下

以油桐之材不任琴瑟棟 油桐 子榨油者綱目本草
梁之用固自為一類也 有罌子桐虎子桐荏

桐岡桐等名土人 桂 木樨也白者曰銀桂黃
名桐麻樹 新增 者曰金桂赤者曰丹桂 榔 榔字

榔木只檳榔 檉榔二種 郡境不產或因榔有榔讀別出
糊榆之榔作榔未可知也今土人有名張郎樹者其葉

乾之為朱可作香葉不似榔 杉 棟 冬青 一作
榆或即此闕疑以俟知者

白楊 烏柏 夜合 一名合昏一名烏桐 山桃 見下
山 槿 當入花品恐指 椴 廣韻木似杉而硬其根皮

樺 陳藏器云木似山桃皮堪為燭又曰晉王珉傷寒身
驗方中字作檣李瀕湖曰皮上有紫黑花勻者裏鞞弓弓輕

畫字故名寇宗奭曰皮上紫黑花勻者裏鞞弓弓輕
李瀕湖曰色黃有小斑點紅能收肥膩其皮厚而輕

虛軟柔皮匠家用觀靴裏及為刀靶之類謂之暖皮以
皮卷蠟可作燭點據三家之說則樺乃今土人所指山

桃者是也案山桃名槿與土人之名樺者自別考字書
或作棧其皮堅韌剝之長數尺可為繩索其材可為杯

器是矣顧並不生樹結子可染何也豈昔人尚未之
知與今土人稱樺檣樹三四月採椽曝乾貨之每石可

得銀七八兩貧者甚利之 檣 水樺 人謂之絲
云染棕色非此不佳也

黃 檣 水樺 人謂之絲

物產

多產 綿樹不 梓 楸 樸 楮 檉 楓 山櫻 柳栗

康洋 一名魚米樹以下 歲之豐凶最驗 檀 女貞 石南 黃楊

皂莢 板皂肥 柳即柜 河柳 土人謂之西 櫻

藥 類篇韻會並宜寄切白藥周穆王八駿之一列子周 穆王篇右驂赤驥而左白藥字典所引如此但字既

從木則白藥本木名而借以喻馬之色可知今郡有木 其色如銀一種大葉者實圓如皂斗而小一種細葉者

實長而差銳苞與楮實無異土人稱謂正與白藥同查 字書榛檉檉並同藥音而不訓木名檉音例云實如栗

而引山海經歷兒之山其上多檉方莖圓葉黃花而毛 其實如棟則又不類竊謂此實並足濟荒兩字又適現

成輒用妄援以俟博物者考焉。又案鄉音東稱大葉 荷檉細葉荷檉南稱大葉猓猓細葉猓猓細繹之猓檉

音之譌因猓而併譌猓荷譌音而又譌字也本草檉有 二種有大葉檉實類檉則檉即檉也檉俗字不載字書

檉 疑即上頂木但皮葉及樹之大小高低頗不類土 人統謂之檉其實則別稱檉小子實小于檉也或

稱檉 肖子

花之品 原三十一刪一新 增三十二移入一

牡丹 芍藥 蘭 蕙 海棠 三種 俱有 剪春羅 李志誤 作前春

又空一字作 籬可笑之甚 結香 皮可作紙即瑞香 紫荊 地棠

薔薇 映山紅 山茶 寶珠 羊躑躅 一名關 羊花

金鳳 罌粟 金雀 荷 萱 玉簪 椿桂 未詳聞 有以牡

丹接椿樹者謂之 椿樹花或即是也 菊 木槿 雞冠 水仙 臈梅

夜落金錢 紫薇 芙蓉 拒霜 葵 蜀葵 以下 新增

玉蘭 迎春 辛夷花也 土名望春 荷包牡丹 象形也 七姊妹

十姊妹 千年紅 俗名酒 醉花 指爪 一名粉子 可作粉也 西番蓮

僧鞋菊 極似僧鞋 在枝則放 摘下則聶亦一奇也 玫瑰 繡毬 白而大 者曰粉

團 西洋繡毬 初放綠色 漸變粉 紅全開純白矣 秋海棠 蝴蝶 紫白

黃三種 其根即射干 千葉郁李 月季 老少年 即雁 來紅 十樣

錦 即老少年 之別種 茶菊 亦數種 叢心而 色黃者味苦 虞美人 萬年

菊 五代榮 山丹 臘脂 即作臘 脂者 洛陽菊 紅花

即染坊 所用者 繭花 着蕊時帶葉 採取 淪食之亦可作菹 糶米花 花細 似糶 黃

花 即古詩所云 黃花如散金 而唐士子誤作菊花者 石竹 天竹 此亦植之 供玩故附

此 芭蕉 土人名其露丹 鉛錄云 急就章注 藁荷即今 甘露考本草 形性相同 即今芭蕉也 草品移

案桂已入木品 舊志復列之於花 則桃李梅杏等之 入果者亦宜 復見不勝繁矣 茲亦從省云

草之品 原九移出花 一藥一 蔬一 新增十三

三稜 小兒撕之以卜 孕婦男 女為嬉戲 非荆三稜也 虎爪 土人搗爛 隔絹布 繫腕以截瘧 神驗

蓼 鳳鬚 未詳 鳳未聞有 鬚者恐尾之誤 蘆 龍鬚 南鄉人取以 織席 出白馬

山尖山螺 燈心草 以下 新增 蕨 土人名蕨 蕨掘根 杵碎 淘水濾之 澄清取粉 法

與橡實等同 救荒上品 芒 土人名乾 枯或稱高 枯其莖 謂之苗 殼剝

之以為繩

白茅

其花謂茅針小兒採食之有益見本草

菅茅

黃茅

以上二種或以絞索

萍

蘋

蒹

藻

觀音帚

一莖

或以葺屋隨所用之

刺麻

葉似大麻莖圓而大剝其皮以為繩

北

刺麻

莖圓葉大頗類黃葵中空葉枯莖老牧兒斫取吹之聲與喇叭無異

鳥之品

原二十七

新增十九

鶴

今不產 鶴山間不能常有

雁

月令云雁南鄉知非土產明矣

雉

土人稱野雞出

橫山者佳兩耳後豎

鵲

鴉

鷹

雀

燕

冬間蟄土穴或

羽寸許謂之角雞

中樹孔 鴉音牽鴉也

雛

鴿

鴛

集韻即斲木鳥斲今作啄

鴛鴦

鵲

鵲

鵲

土名

畫眉

百舌

杜宇

鷓鴣

土人謂之摸魚鳥

鷓鴣

竹雞

翠鳥

非紅首

鴉

鴉

土人謂之貓頭鳥頭似貓也又謂之貓頭濁溫案七修類藁杭人亦有濁溫之稱以意譯之當作逐魂相

傳能勾攝

人魂云

白頭翁

鷺鷥

提壺沽美酒

土人謂鳴聲鳥洞洞

鬼叫即此鳥也

以下新增

白鷓

黃雀

作炙甚美王休徵母喜食之即此

鵲

鳩

鳩

鷓

鷓

山鷓

喙長而紅高脚長尾及兩翅並青黑色身褐色

要和尚

不知何名似山鷓而小喙尾俱短翅羽元而有翠鈿如繡可愛能習人言

百靈

雀亦

類能解人意

作衆鳥聲

阿婆添湯

搗藥鳥鳴聲云克丁當俗聽訛也

叫天子

鳴則疎

身直上

瓦雀

一名稻雀好巢

的水

鳴聲云東邊缺豁豁西邊缺豁

豁鳴則必

大兩故名

蝙蝠

橙鳥

極小喜巢橙樹及芒莖

的

詩名桃蟲

野

鴨 野鵝

對鴨 壺盧 一名水

獸之品

原十五 新增九

虎

豹

鹿

麂

麋

獺

兔

猴

土人名 狨

獾

豺

豪豬

舊從俗音 作蒿非

野豬

香狸

一名香貓 一名爛 齋麋齋香類麝

狐狸

俗通稱 南無狐

玉面狸

一統志云 州境出即果子狸 山堂肆考云 面白毛而尾如

牛尾梅宛陵詩 沙河馬蹄鼈 雪山牛尾狸 是也 通志

此山獸也 州邑甚多 四方以為珍味 然今亦難得

九節狸

類豹 下新增

石虎

似九節狸 能緣樹

碩鼠

狼鼠

土人

名黃狝子 又名 黃老鼠 善捕雞

麋

松鼠

欒雞

即松鼠 但在松則 尾扁大 在欒則尾

尖

烏金

大如狗 喙銳 毛色黑而澤

白頂星

頂有白毛 灰青色

蝟

畜之品

原十 二

猪

種有長興金華 東壩水東不同

水牛

黃牛

馬

騾

驢

羊

出舍東者不燥 土人云 食藿故也 或云水使然

鵝

鴨

雞

犬

猫

鱗之品

原十七 新增七

鯖

鮪

鯉

鱣

鯽

出焦河者 味尤美 又有純赤者 七修類藁謂之火魚 性味不異

常鯽 土人厨下水缸中 類畜一二頭 云殘粒 墮水生毛 飲之令人患疔 故畜魚使食之 魚性味不異

鮓 舊志 作鎗

俗稱

鮎

鱧

舊志作黑魚 即烏魚也 首有白點者 謂 也 李瀕湖 鰻鱧 鱧 鼉 土人謂之烏魚 鱧案字典 鱧

李瀕湖

鰻鱧

鱧

鼉

土人謂之烏魚 鱧案字典 鱧 亦云 云荆巴間呼為蠶蜂 今土人作平聲 讀以蜂有刺 能螫

人故凡有刺者 皆稱蠶蠶之鱗 尾亦刺人也 又七修類

云州多 大蔴 卽黃蔴禮經所謂牡蔴苴蔴是也依本
草當入穀品土人只取其皮以績布故

入此而李志又出 蔴布 葛布 郡雖產葛土
黃蔴複矣今刪去 蔴布 葛布 人不解作布

舊志作苧蔴土人之稱也卽白 茶 州產五花巖者稱
麻今閩廣豫章人所種者是也 珍品謂之芥茶今

絕少以石溪陽灘山乾溪等處者爲最一統志云出鴉
山者味美通志亦云出建平牙山者色味香美而門志

又謂其粗薄不堪豈天地之氣 漆 一統志云州縣俱
有時而變抑人事之有未善與 漆 一統志云州縣俱

平縣今不多產州出南 桐油 一統志云州境出通志
鄉舊入本品今移此 桐油 一統志云州境出通志

故多出焉案 傘 炭 柿漆 笋乾 以下 樺果 似
今無此種 傘 炭 柿漆 笋乾 以下 樺果 似

夏枯草蕊詳 藍靛 烟葉 柏油 菜油 蔴油
見本品樺下 藍靛 烟葉 柏油 菜油 蔴油

笋籜 草紙 黃紙 敬神者名掇紙一名帙 桑皮紙
見本品樺下 黃紙 敬神者名掇紙一名帙 桑皮紙

有單有夾有 檀皮紙 云青檀皮所作其樹未詳土人
白色有灰色 檀皮紙 云青檀皮所作其樹未詳土人

比涇縣 簞 出建平涇山梅侍讀詩 謂之譜紙用以印譜也甚堅白
紙更勝 簞 出建平涇山梅侍讀詩 謂之譜紙用以印譜也甚堅白

藥之品 原五十二新 增六十九 枳實 郡不
藥之品 原五十二新 增六十九 枳實 郡不

茯苓 白朮 蒼朮 枳實 郡不 半夏 香附 香
茯苓 白朮 蒼朮 枳實 郡不 半夏 香附 香

薤 青皮 實與枳同 桔梗 荆芥 茺萸 柴胡 乾葛
薤 青皮 實與枳同 桔梗 荆芥 茺萸 柴胡 乾葛

山查 梔子 百合 菖蒲 石葛 未詳 紫蘇 瓜
山查 梔子 百合 菖蒲 石葛 未詳 紫蘇 瓜

萋 前胡 牛膝 不堪入藥 乳香 按本草出天竹波斯
萋 前胡 牛膝 不堪入藥 乳香 按本草出天竹波斯

青木香 辛夷 下連艾字誤 艾 出黃茅 茵陳
青木香 辛夷 下連艾字誤 艾 出黃茅 茵陳

苦參 穰香 舊作苜誤 苧麻 莞花 皂角 杏仁
苦參 穰香 舊作苜誤 苧麻 莞花 皂角 杏仁

獨活 草薺 車前 蕙苡 蟬蛻 牽牛 敗龜

板管仲當作貫衆 天南星 桑白皮 天門冬 麥門

冬今不產 地骨皮 天花粉 何首烏 益母草 馬

鞭草 五靈芝非郡境所有 薄荷 牛旁子以下新增 鴨跖

草 射干 芎藭 蛇牀子 蘼蕪 白芷 小薊

王不留行 薺芫 枸橘 黃荊亦作王蒸 沙參 千秋

活 劉寄奴 玉竹 黃精 馬蹄香 鹿銜草 高

良薑 地丁 鵝兒不食草 桃仁 李仁 白芍

椴皮 丹參 槐米 金櫻子 十大功勞 狗骨土人

謂之貓兒蠶名刺 為壇詳見鱗品 忍冬藤 鳥不停 淡竹葉草本非竹

品之淡竹也 功用頗相類 風茄花 土茯苓 旱蓮 蒲公英

馬勃 百部上人謂之失檢蘿蔔以其乍見而易亂也 天名精 麻仁

白芥子 藁本 豨薟 倉耳子 五倍子 穀精草

夏枯草 藿香 尖刀草治肺癰神效 地榆 木鼈子

血見愁 桑螵蛸 寄生 鼠李土人名皂礬 南燭土人

名黑飯樹叢生不甚高大皮色如今悶青色葉經冬不凋採之杵碎濾之以水去渣漬糯作飯黑如墨本道家服食方杜詩豈無青精飯令我顏色好是也道書作青既乾而蓄之不異凍米今釋子於浴佛日用作供養云目捷連餉母地獄每為衆鬼所奪故涅此朦之世傳其遺法荒唐之談也其子始青漸紅老則純黑大如胡椒

味甘可食土人亦謂之黑飯 木蓮 即木饅頭 威靈仙 貝母 野蘇

土人名北脂麻藥肆以其子充蘇子用 馬兜鈴 旋菑花 凌霄花

孩兒菊 即澤蘭李瀕湖日吳人又名省頭草夏日採置

髮中令頭不腫今土人名辟汗花說者謂即省頭草但莖葉花俱不類恐名偶同非即孩兒菊也草品移入 大青 旋覆 瓦松

〔案〕諸品之中無一非藥其已見他品者俱不復載間

有因莖葉根核花實異名而複見一二于此者以其

為醫家所尤要者耳

廣德州志卷二十一

典禮志 慶賀 祭祀 鄉飲 賓興 講約

安上治民莫善於禮其宏綱細目載在古經炳著

大清通禮郡邑既奉行惟謹矣伏遇

昌期嘉會

曠典頻頒皆史冊所未聞為吏民所快覩自宜備書儀制

敬識

鴻規昔貴與馬氏以聖節上壽為古無今有之禮鄉相見

為古有今無之禮士庶以下冠昏喪祭未嘗有一定之

禮謂數者本無因革不煩紀錄此非忘其所以爲說也
亦所遭之時然耳夫彼所稱聖節有能如我

聖上之開八袞而同堂五世乎彼所稱上壽有能如我
盛朝之頌萬年而臚列九賓乎而且鬼神饗德鄉黨引年
農力桑田士遊庠序無一非復古也

省方問俗陳詩觀風而修其教不易其俗齊其政不易其
宜

帝治無爲而民自安熙皞也則知道隆

皇極百祿是迺福備箕疇庶民用錫禮時爲大不信然歟

慶賀

迎奉
恩詔附

皇太后聖壽節臣民恭賀禮

乾隆三十六年十一月二十五日恭逢

孝聖憲皇后八旬萬壽聖節安徽巡撫接准部文遵奉

諭旨自初八日至二十九日俱穿蟒袍補服其常朝處仍

穿朝服因會同藩臬二司議自二十二日至二十八日

黎明穿朝服率領文武官僚齊赴

萬壽宮坐班其二十五日係

聖母皇太后萬壽正日五鼓卽行慶賀禮州奉憲知照隨

檄建平縣一體遵行敬設

萬壽宮於忠節坊二十一日詣天壽寺恭迎

龍牌至宮供奉二十二日官僚分文武西坐班至二十

五日五鼓并率紳士鄉耆以次列階下行三跪九叩首

禮丹墀內優人奏普天同慶之曲又設經壇於正誼書

院集僧道諷誦經典七晝夜每日辰刻知州率僚屬拈

香至文武衙門城內各坊命優人奏曲及街市張設燈

綵亦自二十二日至二十八日凡七日

皇上聖壽節臣民恭賀禮

乾隆四十五年八月十三日恭逢

皇上七旬萬壽聖節安徽巡撫接准部文內開禮部咨儀

制司呈請穿蟒袍補服一月奉

旨着仍照舊例欽此欽遵舊例於八月初十二十三

四十五十六十七等七日穿蟒袍補服其常朝處仍穿

朝服州奉憲知照隨檄建平縣一體遵行謹選天壽寺

大殿作朝賀所正中供奉

龍牌兩廊鋪設經壇選集僧人虔誦無量壽經七日每日

合州文武官朝服各率僚屬齊赴朝賀所坐班隨詣經

壇拈香十三日五鼓并率紳士鄉耆行三跪九叩首禮
丹墀內優人奏普天同慶之曲文武衙門城內各坊優
人奏曲街市張設燈綵亦自初十日至十七日凡七日
乾隆五十五年八月十三日恭逢

皇上八旬萬壽聖節安徽巡撫接准部文遵奉

諭旨萬壽慶節所有王公百官應穿蟒袍補服着於八月
初一日起至二十一日止欽此州奉憲知照隨檄建平
縣一體遵行謹於天壽寺鋪設

壽域正中供奉

龍牌自初一日至二十一日每日黎明合州文武官朝服
各率僚屬并紳士鄉耆齊赴天壽寺行禮各官隨分東
西坐班十三日五鼓卽行三跪九叩首禮以申

釐祝優人於丹墀下奏普天同慶之曲各衙門各坊奏曲
張設燈綵並自初一日至二十一日其自初十日至十
七日天壽寺兩廊鋪設經壇選集僧人諷誦經典共七
日與四十五年同

案陸游於慶元二年記放生池云重明節放鱗介千
計望行在拜手稽首成禮而退重明節者九月四日

光宗誕辰也本州祝釐故事殆昉此歟然宋室偏安放生事亦非古不足以稱典制也欽惟

皇朝膺圖協泰

孝治光昭

慈寧衍慶

宸極延禧於時動地山呼普天嶽頌甲子譜從絳縣富壽祝自華封斯誠極盛之時非常之典豈區區降輦紫雲開筵花萼所能髣髴其萬一哉

冬至令節朝賀禮

是節前後共三日文武各官俱穿蟒袍補服不理刑名正日五鼓各率僚屬穿朝服詣天壽寺

龍牌前分班序列行三跪九叩首禮畢分東西坐班

元旦令節朝賀禮

是節自十二月二十八日至正月初四日共七日文武各官俱穿蟒袍補服元旦五鼓各率僚屬穿朝服詣天壽寺

龍牌前分班序列行三跪九叩首禮畢分東西坐班

迎奉

恩詔禮

附

皇朝重熙累洽恭遇舉行

慶典必有

恩詔普頒由本省大僚騰黃刊刻遣官分下州縣齋詔官至州知州穿朝服會同文武官僚敬備

龍亭出西郭迎接禮生前導見齋詔官齋詔官卽以詔授禮生禮生安詔於亭昇至城門贊衆官跪迎入城贊衆官並興抵天壽寺禮生先安

龍亭於正殿引文武官僚至堦下東西分列行三跪九叩首禮讀詔生捧詔登臺禮生贊文武官跪聽宣揚俟宣揚畢再行三跪九叩首禮讀詔生仍納詔於亭禮生贊廣德州知州廣德營都司並詣

龍亭前受詔跪受訖文武官各捧詔鼓樂導歸隨於各衙門及城坊聚集處所敬謹懸貼士民欣躍拜讀

建平縣慶賀以開法寺爲行禮之所儀制悉與州同

祭祀 救護附

壇壝祀禮

風雲雷雨山川壇每歲春秋二仲月上戊日致祭先期致齋三日不理刑名屆期知州穿朝服會同都司各率其屬詣南門外恭祭

風雲雷雨山川及城隍之神於壇所

案明史禮志洪武二年禮臣議以太歲風

雲雷雨諸天神為一壇嶽鎮海瀆及天下山川城隍諸地祇為一壇三年復以陰陽一氣流行無間乃合二壇

為一國朝禮部則例載直省神祇壇祀風知州為承雲雷雨居中山川居左城隍居右餘詳壇廟

祭官引贊生引至盥洗所盥洗畢僉祝文俟鼓三通通

贊生贊冬口就位迎神行三跪九叩首禮並與引贊生引承祭官升東階至香案前拈香香三上引至 風雲

雷雨神位前木主一 贊跪奠帛初獻爵叩與次引至 山

川神位前木主一 次引至 城隍神位前木主一 儀並同通

贊生贊讀祝文引贊生引承祭官詣讀祝位贊跪通贊

生贊衆官皆跪俟讀祝生讀畢贊叩與通贊生贊衆官

並與引贊生引承祭官降自西階復拜位通贊生贊行

亞獻禮引贊生引承祭官詣各神位前舉亞獻如初獻

儀仍復拜位通贊生贊行終獻禮引贊生引承祭官詣

各神位前舉終獻如亞獻儀通贊生贊飲福受胙引贊

生引承祭官詣飲福位跪飲福酒受福胙叩與仍復拜

位通贊生贊徹饌徹訖贊送神再行三跪九叩首禮讀

祝者捧祝司帛者捧帛恭詣燎所焚祝帛承祭官望燎

禮畢退班

欽定祝文 贊襄天澤福佑蒼黎佐靈化以流形生成永

賴乘氣機而鼓盪溫肅攸宜磅礴高深長保安貞之吉

憑依鞏固實資捍禦之功幸民俗之殷盈仰 神明之

庇護恭修歲祀正值良辰敬潔豆籩祇陳牲帛乾隆九年頒發

後並同

祭品 陳設三案每案帛一白爵三尊一羊一豕一豉一鉶一籩四豆四簋二簋二

建平縣以知縣為承祭官儀制並與州同

社稷壇每歲春秋二仲月上戊日祭山川壇畢文武官僚並詣西門外恭祭 州社州稷之神於壇所其奠帛三獻等儀先社次稷與山川壇祭畧同祭品陳設兩案內惟帛用黑色為異

欽定祝文 奠安九土粒食萬邦分五土以表封圻育三

農而蕃稼穡恭承守土肅展明禋時春敬修祀典秋

庶九九松栢鞏磐石於無疆翼翼黍苗佐神倉於不匱

建平縣知縣亦於是日祭縣社縣稷之神於壇所儀

制同互詳壇廟

謹案乾隆二年為欽奉

上諭事禮科遵

旨議覆謹照會典內開各省府州縣風雲雷雨山川之神

共一壇每歲春秋仲月致祭社稷壇每歲上戊日致

祭等語查直省風雲雷雨山川等壇督撫司道等官

向因律文未載俱不與祭於典禮殊屬未協嗣後每逢祀期省會之地督撫將軍都統副都統率領司道文武等官各按品級照例文員列東班武員列西班行禮布政司係地方正印官仍令主祭其府州縣地方如有提鎮道員亦令各按品級分東西兩班行禮府州縣係地方正印官仍令主祭祭祀前期即令主祭之員於教職內派出監禮官二員佐雜內派出監視官一員至各壇制度令各直省督撫轉飭該地方官將凡應修理之處逐細詳查并各壇祭器或有製

造未備以及歲久損壞者俱如式修理前署州事侯茲奉憲知照祭器一新祀禮加肅縣亦如之

先農壇每歲仲春亥日致祭先期致齋二日不理刑名屆期知州穿朝服會同都司各率其屬并率耆老農夫詣東門外恭祭先農之神於壇所儀制與祭山川社稷等壇同祭畢文武官僚俱換蟒袍知州撩衣扶犁通判播種吏目捧種箱司禮生員贊一推至九推推畢設香案文武官僚仍加朝服望

闕謝恩行三跪九叩首禮而退

欽定祝文 肇興稼穡粒我蒸民頌思文之德克配彼天
 念率育之功陳常時夏茲當東作咸服先疇洪惟
 九五之尊歲舉

三推之典恭膺守土敢忘勞民謹奉彝章聿修祀事惟願

五風十雨嘉祥恆沐於 神庥庶幾九穗雙岐上瑞頻

書於大有

祭品 帛一白爵三尊一羊一豕一劔一籩四豆四簋

二簋二

謹案雍正五年為欽奉

上諭事禮部遵

旨查九卿原議每歲仲春亥日府尹督撫及府州縣衛所

等官率所屬之員耆老農夫恭祭 先農之神照九

卿耕藉之例行九推之禮飭各處地方官一體遵行

前知州丁勺曾奉憲知照以州向無祭祀先農之禮

每年止祀山川社稷等壇可否照此禮施行詳請指

示奉憲准行至今先農壇祭與祭山川社稷等壇無

異焉

建平縣向亦未祀先農是年奉州知照遵行

厲壇每歲清明節中元節十月朔知州與通判吏目俱穿

蟒袍補服致祭先期一日告於城隍之神屆期迎

城隍神像於壇上旁設土地位下設鬼棚四張榜招祭

無祀鬼神以城隍職掌幽冥故為是祭之主致祭官

向城隍神像前行二跪六叩首禮上香三奠帛連獻

三爵俟讀祝畢再行二跪六叩首禮旁向土地一揖徹

饌送神焚祝帛禮畢退班

祭品帛一白爵三羊一豕一蔬菓各四以上陳設

猪首四羹飯以上設於鬼棚

建平縣知縣率典史致祭邑厲壇儀制與州同

文廟祀禮

至聖先師孔子廟每歲春秋二仲月上丁日行釋奠禮先

期致齋二日不理刑名祭前一日知州率僚屬至明倫

堂演禮觀樂以本年候考歲貢生員代行演畢知州詣泮池側省牲

先設香案贊禮生贊揖上香奠酒省牲揖禮畢退至夜

漏四鼓文武官僚齊穿朝服致祭知州為承祭官學正

訓導為分獻官如遇缺員以通判代佐雜并大小武弁為陪祭官

生員考居優等者隨班行禮先詣

崇聖祠俟鼓三通各就位迎神行三跪九叩首禮並興引贊生引承祭官詣香案前拈香香三上引詣肇聖王位前贊跪奠帛初獻爵叩興次詣裕聖王位前次詣詒聖王位前次詣昌聖王位前次詣啓聖王位前俱如前儀畢通贊生贊讀祝文以本年候考歲貢生員讀祝引贊生引承祭官詣讀祝位跪衆官皆跪俟讀祝畢並興行分獻禮承祭官獻四配先顏次曾次孔次孟孫各奠帛初獻爵分獻官獻五從祀一從東獻周程蔡一從西獻張朱並跪奠帛連獻三爵獻畢俱復

拜位通贊生贊行亞獻禮引贊生引承祭官詣

五王位前舉行亞獻繼亞獻四配俱如初獻儀終獻如亞獻儀獻畢復位贊徹饌送神文武各官再行三跪九叩首禮並興讀祝者捧祝司帛者捧帛恭詣燎所焚祝帛承祭官望燎禮畢齊詣官廳承祭官就盥洗所盥洗僉祝文俟鳴鐘鼓畢引贊生引衆官詣

大成殿丹墀下通贊生贊啓戶翊禮生各就位執事者各司其事樂舞生各就位陪祭官各就位分獻官各就位承祭官就位瘞毛血迎神神降參神行三跪九叩首禮

是時樂奏咸平之章通贊生贊行初獻禮引贊生引承祭官升東階詣酒尊所司尊者舉冪酌酒執爵者捧爵次引詣香案前上香三次引詣

至聖先師位前贊跪奠帛捧帛者跪進承祭官受帛拱舉贊初獻爵捧爵者跪進承祭官受爵拱舉叩興是時樂奏寧平之章通贊生贊讀祝文樂止引贊生引詣讀祝位贊跪通贊生贊衆官皆跪讀祝畢贊叩興通贊生贊衆官並興行分獻禮樂作引贊生引承祭官詣復聖顏子位前上香三贊跪奠帛初獻爵叩興依次獻宗

聖曾子述聖子思子亞聖孟子儀並同是時分獻

官二員分東西詣十二哲位前上香三跪奠帛連獻三爵叩興並降自西階復位通贊生贊行亞獻禮引贊生引承祭官詣

至聖先師位前舉亞獻繼亞獻四配並如初獻儀是時樂奏安平之章承祭官復位通贊生贊行終獻禮引贊生引承祭官舉終獻並如亞獻儀是時樂奏景平之章其兩廡諸先賢分獻官於承祭官舉亞獻終獻時分東西行禮獻畢通贊生贊飲福受胙引贊生引承祭官詣

飲福位跪飲福酒受福胙叩興復位贊徹饌樂奏咸平
 之章徹訖樂止贊送神樂奏咸平之章文武各官再行
 三跪九叩首禮讀祝者捧祝司帛者捧帛由中道出恭
 詣燎所焚祝帛承祭官望燎禮畢退班

欽定孔子先代五王祝文 奕葉鍾祥光開神緒盛德之

後積久彌昌凡聲教所覃敷率尋源而溯本宜肅明禮

之典用申守土之忱茲屆仲春聿修祀事以 先賢顏

氏 先賢曾氏 先賢孔氏 先賢孟孫氏配

欽定文廟祝文 德隆千聖道冠百王揭日月以常行自

生民所未有屬 文教昌明之會正禮和樂節之時辟

雍鐘鼓咸恪薦於馨香泮水膠庠益致嚴於籩豆茲當

春仲祇率彝章肅展微忱聿將祀典以 復聖顏子

宗聖曾子 述聖子思子 亞聖孟子配

春祭樂章 夾鍾為宮倍應鍾起調

迎神 咸平 大尺哉凡孔六子五先尺覺上先五知六

與凡天六地上參五萬尺世上之五師五祥五徵上麟

凡紱六韻凡答上金尺絲五日凡月六既尺揭五乾凡

坤六清凡夷尺

初獻寧平之章 予尺懷凡明六德五玉上振凡金尺聲上

生六民凡未上有五展凡也六大五成六俎五豆上干

尺古五春六秋六上五丁六清尺酒上既凡載尺其凡

香六始凡升尺

亞獻安平之章 式尺禮凡莫六愆五升上堂五再凡獻尺

響上協五鼗凡鏞六誠五孚上壘五獻尺肅五肅五雍

六雍六譽凡髦尺斯上彥尺禮上陶五樂凡淑六相五

觀六而凡善尺

終獻景平之章 自尺古凡在五昔六先上民五有凡作六

皮五弁上祭凡菜尺於上論五思六樂凡惟五天上牖

尺民五惟凡聖上時凡若六彝五倫五攸上敘尺至上

今五木凡鐸尺

徹饌咸平之章 先尺師凡有六言五祭尺則上受尺福五

四凡海尺鬻五宮上疇凡敢六不凡肅尺禮五成上告

尺徹五毋凡疏六毋凡瀆尺樂五所上自凡生尺中五

原六有凡菽尺

送神咸平之章 鳧尺繹凡戕六戕五洙上泗尺洋凡洋六

景上行五行五止上流凡澤六無五疆六聿五昭上祀

凡事尺祀尺事上孔凡明六化尺我五蒸尺民上育凡

我六膠凡庠尺

秋祭樂章南呂為宮仲呂起調

迎神咸平之章大六哉乙孔上子尺先六覺凡先尺知上

與乙天上地凡參尺萬六世凡之尺師尺祥尺徵凡麟

乙紱上韻乙答凡金六絲凡日乙月上既六揭尺乾乙

坤上清乙夷六

初獻寧平之章予六懷乙明上德尺玉凡振乙金六聲凡

生上民乙未凡有尺展乙也上大尺成上俎尺豆凡干

六古尺春上秋上上尺丁上清六酒凡既乙載六其乙

香上始乙升六

亞獻安平之章式六禮乙莫上愆尺升凡堂尺再乙獻六

響凡協尺鼗乙鏞上誠尺孚凡壘尺獻六肅尺肅尺雍

上雍上譽乙髦六斯凡彥六禮凡陶尺樂乙淑上相尺

觀上而乙善六

終獻景平之章自六古乙在尺昔上先凡民尺有乙作上

皮尺弁凡祭乙菜六於凡論尺思乙樂上惟尺天凡牖

六民尺惟乙聖凡時乙若上彝尺倫尺攸凡敘六至凡

今尺木乙鐸六

徹饌咸平先六師乙有上言尺祭六則凡受六福尺

四乙海六鬻尺宮凡疇乙敢上不乙肅六禮尺成凡告

六徹尺毋乙疏上毋乙瀆六樂尺所凡自上生六中尺

原上有乙菽六

送神咸平鳧六繹乙峩上峩尺洙凡泗六洋乙洋上

景凡行尺行尺止凡流乙澤上無尺疆上聿尺昭凡祀

乙事六祀六事凡孔乙明上化六我尺蒸六民凡育乙

我六膠乙庠六

祭品

崇聖祠五王前各帛一爵三羊一豕一鉶一籩四豆四簋

二簋二 四配前東西各一案 五從祀前東西各一

案品數並同

至聖先師前篚一盛爵三犧尊一先盛酒將獻時象尊一用以斟酒於爵

徹饌時用俎三實以牛一登一實以鉶一實以籩十實

形鹽藁魚鹿脯棗栗豆十實以韭菹芹菹菁菹荀菹醢

簋二實以黍稷二實以稻粱

四配前各帛一爵三羊一豕一鉶一籩四豆四簋二簋二

十二哲前東西各一案 兩廡東西各一案品數俱與四配前同

建平縣以知縣為承祭官教諭訓導為分獻官典史把總為陪祭官儀制並同

至聖先師孔子誕辰 八月二日 文武官僚俱穿蟒袍補服不

理刑名

關帝廟祀禮

勅封忠義神武靈佑大帝關帝廟每歲春秋二仲月禮部頒吉及五月十三日致祭先期致齋一日不理刑名知

州會同都司詣宰牲所行省牲禮至夜漏五鼓文武官僚齊穿蟒袍補服先詣

啓聖祠行二跪六叩首禮知州為承祭官引贊生引承祭官詣香案前拈香香三上引詣 光昭公位前贊跪奠帛初獻爵叩興次詣 裕昌公位前次詣 成忠公位

前俱如前儀贊讀祝文引承祭官詣讀祝位跪眾官皆跪俟讀祝生讀畢並與承祭官復位贊亞獻如初獻儀贊終獻如亞獻儀獻畢贊徹饌送神文武各官再行二跪六叩首禮禮畢換朝服引贊生引承祭官詣盥洗所

盥洗僉祝文俟鳴鐘鼓畢齊詣大殿丹墀下通贊生贊執事者各司其事陪祭官各就位承祭官就位迎神行三跪九叩首禮並與引贊生引承祭官升東階詣酒尊所司尊者舉爵酌酒執爵者捧爵次引詣香案前上香三次引詣

關聖大帝位前贊跪奠帛初獻爵叩與通贊生贊讀祝文引贊生引承祭官詣讀祝位贊跪通贊生贊衆官皆跪俟讀祝生讀畢贊叩與通贊生贊衆官並與承祭官復位通贊生贊行亞獻禮引贊生引承祭官舉亞獻如初

獻儀復位贊行終獻禮引舉終獻如亞獻儀獻畢贊徹饌徹訖贊送神文武各官再行三跪九叩首禮並與讀祝者捧祝司帛者捧帛恭詣燎所焚祝帛承祭官望燎禮畢退班

欽定關帝先代三公祝文 世澤貽庥靈源積慶德能昌後篤生神武之英善則歸親宜享尊崇之報列上公之封爵

錫命優隆合三世以肇禋典章明備恭逢諏吉祇事薦馨欽定關帝廟祝文 浩氣凌霄丹心貫日扶正統而彰信

義威震九州完大節以篤忠貞名高三國 神明如在
徧祠廟於寰區靈應丕昭薦馨香於歷代屢徵異績顯
佑羣生恭值嘉辰遵行祀典筵陳籩豆几奠牲醪

祭品

啓聖祠三公前各帛一爵三羊一豕一釧一籩四豆四簠
二簋二

關聖大帝前帛一爵三尊一牛一羊一豕一登一釧一籩
十豆十簠二簋二

建平縣同

諸神祠祀禮

祠山張大帝廟每歲春秋二仲月上戊日祭山川社稷壇
畢知州率僚屬穿蟒袍補服致祭至廟各就位迎神行
二跪六叩首禮並與承祭官詣案前拈香香三上跪奠
帛連獻三爵俟讀祝文畢叩興復位各官再行二跪六
叩首禮徹饌送神焚祝帛承祭官望燎禮畢退班

祭品 帛一紅爵三羊一雞一魚一籩四豆四簠一簋

一 **案**祠山事要紀梁天監五年武帝感蔣山神夢禱雨

獲應謝以圭璧自是以後歷代遞加封號遣官致祭
宋列入祀典明太祖定鼎金陵既立廟於雞鳴山之
陽又歲遣官詣州行香後以擾民罷更爲春秋二祭
至今仍之蓋神之廟祀幾徧江南而廣德爲其發祥
之地歲時享祀尤加謹焉

龍王廟每歲春秋二仲月辰日知州率僚屬穿蟒袍補服
致祭儀注與祠山廟祭同

欽定祭文 德洋寰海澤潤蒼生允襄水土之平經流順
軌廣濟泉源之用膏雨時行績奏安瀾占大川之利涉

功資育物欣庶類之蕃昌仰藉 神庥宜隆報享謹遵
祀典式協良辰敬布几筵肅陳牲幣

祭品 帛一白爵三羊一豕一釧一籩四豆四簋一簋

一

八蜡廟 劉猛將軍廟每歲正月十三日及冬至後第三
戊日知州率僚屬穿蟒袍補服致祭儀注祭品並同前
火神廟每歲六月二十三日文武官僚穿蟒袍補服致祭
儀注祭品同前

馬王廟各官祭火神畢分詣馬王廟致祭文官祭常平倉

中廟武官祭三峰樓畔廟儀注同前祭品不用豕以鷺代

土地祠每歲二月初二日知州通判吏目穿蟒袍補服詣儀門外神祠致祭儀注祭品同前

以上諸神祠建平縣亦祭禮同

諸祠祀禮

名宦祠 鄉賢祠 忠義祠 節孝祠每歲春秋二仲月

上丁日釋奠畢知州換蟒袍補服以次致祭每至一祠就位行二跪六叩首禮興詣香案前拈香香三上奠帛

連獻三爵俟讀祝文畢再行二跪六叩首禮而退

欽定忠義孝弟祠祝文 稟賦貞純躬行篤實忠誠奮發貫金石而不渝義問宣昭表鄉閭而其式祇事懋彝倫之大性摯莪蒿克恭念天顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳尊簋來格几筵

欽定節孝祠祝文 純心皎潔令德柔嘉矢志完貞全閨中之亮節竭誠致敬彰閭內之芳型茹冰蘖而彌堅清

操自勵奉盤匱而匪懈篤孝傳徽

絲綸特沛乎殊恩祠宇昭垂於令典祇循歲祀式薦尊醪

祭品 每祠各帛一爵三羊一豕一釧一籩四豆四簋

一簋一

文武二帝祠 四先生祠 鄒公祠 閔公祠 九烈六

賢祠每歲春秋二仲月上丁日釋奠畢學正訓導換蟒

袍補服分祭儀注祭品與名宦等祠同

三忠祠 王修撰墓祠每歲三月初三日九月初九日知

州率僚屬穿蟒袍補服致祭儀注祭品並同前

以上諸祠祀禮建平縣少鄒公閔公四先生九烈六

賢三忠王修撰六祭餘同

附
救護

救護日月禮視食之時刻為始終於將食之時知州穿

素服會同僚屬并召僧道各十數人齊集大堂丹墀下

對日月設香案候時刻至香案供初虧脾陰陽生以報

知州詣案前拈香香三上偕僚屬行三跪九叩首禮鼓

人跪捧鼓請擊鼓三聲行救護禮知州舉袍者三僧道

各舉法器引眾官由階西直下抵儀門旋轉向東而上

俟香案供食甚牌陰陽生以報知州偕僚屬再行三跪
九叩首禮西下東上如初俟香案供復圓牌陰陽生以
報知州乃偕僚屬換朝服仍行三跪九叩首禮而退
都司於本衙門內率僚屬行救護禮悉與文官同 建
平縣同

謹案乾隆四十七年八月初十日奉

上諭禮部具題本年八月十五日京師月食百官朝服齊
集太常寺行救護禮一本雖係照例具題但日月薄蝕究
非經行常度向來朕遇此等事皆於宮中素服拈香行救
護禮百官齊集救護亦應素服將事以合奏鼓之義嗣後
如遇日月食當應穿朝服之期亦著用素服行禮著爲令
欽此

廣德少元

卷二

三

